

EPHEMERIDES

SYRMIENSES

S E U

OBSERVATIONES

PHYSICO-MEDICAE

Constitutionum anniuersariarum, inclyti Comitatus Syrmienſis, vicinarumque partium, ad latitudinem loci 45° 30' longitudinem vero 41° 37' accommodatae, atque ab ineunte vere anni 1763. methodo Hippocratico-Sydenhamiana practica, huicque superſtructa theoretica demonſtratiua concinnatae

A V C T O R E

MART. MARIKOWZKY

EQVITE HVNG. AA. LL. PHILOS. AC MEDIC. DOCT.
INCLYTI COMITATVS SYRMIENSIS PHYSICO ORD.

VINDOBONÆ,

TYPIS JOANNIS THOMÆ DE TRATTNERN,
SAC. CÆS. REG. AULÆ TYPOGRAPHI ET BIBLIOPOLÆ.

M D C C L X V I I.

ILLVSTRISSIMO
DOMINO

L. B. FRANCISCO A PAVLA

BALASSA

DEGYARMATH,

PERPETVO IN KÉK-KÖ, VÁG-BESZ-
TERCZE, BVDAMER, LIETAWA,
EBERHARD,

SACRAE CAESAREO-REGIAE APOST.
MAJESTATIS CAMERARIO, AD EX-
CELSVM CONSILIVM LOCVMTE-
NENTIALE REGIVM HVNGARICVM
CONSILIARIO, NEC NON INCLYTI
COMITATVS SYRMIENSIS

SUPREMO COMITI

&c. &c.

DOMINO
PATRONO SVO GRATIOSISSIMO
OPELLAM HANC DEVOTA MENTE
DEDICAT

AVCTOR.

THE UNIVERSITY OF

CHICAGO

LIBRARY

Stacks

1215

1215

1215

1215

1215

1215

1215

1215

1215

1215

1215

1215

1215

1215

1215

1215

1215

1215


1215

ILLVSTRISIME DOMINE

L. B A R O

S V P R E M E C O M E S

&c. &c.

 Syrmienſium partes vicinas ;
multis retro ſeculis ;
praecipuum belli Sa-
racenici theatrum exti-
tiſſe ; maioremque exercituum
partem morbis epidemicis ,
quam armis , conſumtam fuiſ-
ſe ; adeo ut orae hae , tumuli ex-
terarum gentium titulo , notatae
iam pridem ſint ; rerum geſta-
rum

rum monumenta testantur. Cu-
ius mali causa, ad neglectam, his
in prouinciis, accuratam mor-
borum epidemicorum obseruatio-
nem, merito referenda videtur.
Cum itaque TV O potissimum
auspicio ILLVSTRIS-
SIME L. B. primus in inclytum hun-
Comitatum Physicus Ordinarius
introduc-tus sim : officii ratio
exi-

exigebat, ut defectui huic, pro
virili remederi conarer. Quod
quidem non nisi continua anniuersa-
riarum constitutionum, exem-
plo magni SYDENHAMI
peracta obseruatione perfici pos-
se, rerum harum periti facile
perspicient. Accipe igitur IL-
LUSTRISSIME L. B. lucu-
brationes has, ea, qua in literas
lite-

*literatosque ferri soles beneuolen-
tia, meque porro patrocinio
TVO complectaris, qui perpe-
tuus sum*

ILLVSTRISSIMI NOMINIS TVI

Dabam Vukovar prid.
Non. Junii MDCCCLXVI.

devotissimus cultor

D. MART. MARIKOWZKY.



OBSERVATIONES PHYSICO - MEDICAE

*Constitutionum anniuersariarum, in-
clyti Comitatus Syrmienſis vicinarumque
partium, ad latitudinem loci $45^{\circ} - 25'$, longi-
tudinem vero $41^{\circ} - 37'$. ab ineunte vere anni
1763, methodo Sydenhamiana practica,
huicque superſtructa theoretica demonſtratiua
concinnatae.*

§. I.

PROBLEMA.

Medicinam perfectiorem reddere.

Resol. Experientia testatur, astronomiam,
multorum retro seculorum obseruationi-
bus, ad hodiernum florem peruenisse:
analogiae itaque ratio, (cuius argu-
menti vim, in physica exercitatus fa-
cile perspiciet) suadet, in perficienda arte salu-
tari, eadem via incedendum esse. Q. E. I.

A

§. II.

§. II.

D E F I N I T I O.

Morbi stationarii epidemici dicuntur, quorum ratio existendi in insensibilibus effluuiis corporum, cum atmosphaera nostra commixtis, continetur.

Intercurrentes vero audiunt, qui a sensibilibus aëris qualitatibus ad existendum determinantur hi quoque alias sporadici cluunt. vid. SYDENH. Op. pag. m. 42. seqq.

§. III.

D E F I N I T I O.

Morbi endemii nuncupantur, qui alicui loco proprii sunt.

Qui vniuersim vel sunt autumnales vel vernaes: hi a solstitio hyberno ad aestium; illi ab hoc ad illud excurrunt.

§. IV.

Hanc SYDENHAMI methodum cum HIPPOCRATICA conuenire, scripta vtriusque de morbis epidemicis abunde docent. De sporadicis autem euoluatur Sect. III. Aphor. 7. *Εν τοῖσιν αὐχμοῖσι πυρετοὶ ὅξεις γίνονται, καὶ ἢν μὲν ἐπιπλεον ἢ τὸ ἔτος τοῖστον εἶναι, ἐκείνη καὶ τὴν κατὰσασιν ἐποίησεν, ὥς ἐπὶ τὸ πολὺ καὶ τὰ ῥοσημὰ τοιαῦτα δεῖ προσδεχασθαι.*

§. V.

§. V.

Quantam vtilitatem Reip. adferant huiusmodi anniuersariarum constitutionum observationes, ex tristi praeteritorum seculorum historia manifesto patet. Fide digni namque scriptores testantur, tempore bellorum turcicorum in patria nostra gestorum, maiorem exercitus christiani partem morbis epidemicis, quam armis Ottomannicis esse interemtam. Merito itaque conqueritur Celeb. D. IOH. PRINGLE in cedro dignis Obseruationibus suis morborum castrensium, pag. 211. scqq. febris castrensis hungaricae, (quae anno primum 1566. in Imperatorio orta exercitu, sparso dein per maximam Europae partem contagio, immane quantum saeuiebat (naturam nondum satis distincte esse enodatam. E contrario Magnif. D. Archia-ter ANTONIVS de HAEN Academiae Vienne-nsis h. t. decus, in aureo opere Rat. Med. Part. III. pag. 9. seqq. laudat conatus Doctiss. D. ANDREAE LOEVV in enucleanda febre petechiali hungarica Anni 1683, vt et filii eius Cl. CAROLI LOEVV, qui ephemerides paternas continuauit; nec non D. GENSELI de Const. epid. inf. Hung. anni 1713.

§. VI.

Cum morborum epidemicorum, in primis intercurrentium ratio, in sex rebus, quae me-
A 2 dicis,

dicis, non naturales, dicuntur, ut sunt aër, cibus et potus, motus ac quies, excreta retentaque nec non adfectus animi, contineatur (§. II.) instituti ratio exigit, vt de his distinctim succinctam quandam delineationem praemittam.

§. VII.

Quod ad aurae temperiem attinet, situs est inclytus Comitatus Syrmienfis, secundum obseruationem meam, ex altitudine solis meridiana diebus 21. Iuny st. n. et 21. Decembris Ao. 1765. inter se collatis, erutam, intra 45° et $30'$ latitudinis, ac ex emerfione primi Satellitis Iouis, ope tabularum CASSINI, elicui, iacere eundem intra $41^{\circ}. 37'$ atque 42° longitudinis. Notum autem est aequatorem a polis 90° distare, vnde consequitur, oram hanc ipsum meditullium Zonaë temperatae borealis occupare. Ex quibus facile est concludere, quatenam eius loci sit aëris temperies respectu ad calorem et frigus habito. Ponamus enim (abstrahendo a reliquis calorem aëris producentibus causis) eum momento temporis A, esse aequalem sub ipso aequatore calori b, seu in Zonaë torridae extremo, nostrae vicino; in alio vero extremo Zonaë temperatae, quo frigidam contingit, eodem momento calorem esse $= b - c$, differentia horum erit $= c$, agitato aëre per ventum, miscebuntur inuicem duae hae aëris regiones, per consequens earum quoque qualitates frigoris ac caloris, vnde in medio Zonaë

tem-

temperatae (ceteris paribus) orietur gradus caloris $= b - \frac{c}{2}$ e. g. Celeberr. BOERHAAVE

Chem. elem. P. I. pag. m. 187. maximum aëris calorem sub Zona torrida ponit $= 84^{\circ}$ thermometri Fahrenheitiani, dato, in extremo zonae temperatae, boreali, eum eodem tempore adfurgere ad 60° , effet is eo tum apud nos (ceteris paribus) 72° . Dico ceteris paribus, probe gnarus, calorem aëris ab aliis quoque innumeris causis, vtpote mora solis supra horizontem, nubibus, montibus ac vallibus, variae indolis exhalationibus in atmosphaera suspensis, ventis ex diuersis mundi plagis oriundis, etc. mirum in modum variari.

S C H O L I O N.

Venti non mutant calorem aëris in thermometro, quatenus eum commouent, in maius frigus, quin potius motus calorem producit: sed quatenus auram e plaga mundi calidiore vel frigidiore nobis aduehant. Inter omnes vero commemoratas causas, nulla maius habet momentum, ad mutandum aëris calorem et frigus, ipsis ventis, Prout enim pressio aëris aequatorem vel polos spectantis alteri praeponderat, ea potissimum proportionem mutationes aëreae regionis contingere solent. Quia vero exhalationes omnes in atmosphaeram, e globo nostro terraqueo, adscendere debent, prout est inferre, pro diuersi-

uerſitate regionum terrae, diuerſam quoque fore atmosphaerae conſtitutionem. Ordo itaque dicendorum, talem Comitatus huius geographicae deſcriptionem, qualem propoſiti ratio exigit, praemittendam ſuadet.

§. VIII.

Longitudo Comitatus Syrmienſis, ab occidente orientem verſus, cum leui quadam declinatione ad meridiem, gradus vnus, ſive 15 milliarium geographicorum, latitudo autem maxima 7 mill. eſt, quamquam haec plurimis in locis minor eſſe deprehendatur. Figuram trapezii formare videtur, cuius latera, Danubius et Sauus amnes, Vuka item ac Boſzut fluuii claudunt. Per diametrum longitudinis Almi montis iuga extenduntur, quibus Aurelius Imperator primus vites intuliſſe fertur. Auſtrum verſus Bebii Caeciique montium iuga viſuntur. Metalla nobiliora aut latent aut deſunt. Vertices quidem montium denſis tecti ſiluis poſteriori inuere videntur. Calui namque montes minerarum feraciſſimi ſunt. Reperio tamen paſſim marmor elegantiſſimum, veſtigia item alabaſtri, margam foſſilem, morochtum, aſbeſtum, glaciem mariae, cryſtallum, ardosiā ſ. lithoſtilbon (*Schieferſtein*) pluraque alia, quae inueſtigare operae eſſet pretium. Inter animalia, Caſtor, ad Ratſa, ſaepe reperitur.

§. IX.

§. IX.

Posteaquam Regnum Sclauoniae, corpori Hungariae rursus insertum fuisset, Sclauonia omnis, in partem prouincialem ac militarem seu confiniariam dispescitur. Haec a tribus legionibus, Petrouaradiensi videlicet, Broodensi, atque Gradiscana inhabitatur, exporrigitque se iuxta alueum Sauī, qui Imperium Ottomannicum, his in patribus, a Christiano determinat. In Comitatu hoc confinium omne subradice Almi montis iacet, densissimis obsitum syluis, ob exundationes etiam Sauī stagnantibus refertum aquis: quamquam nouissime erectis aggeribus amnis iam alueo suo egredi prohibeatur. Candidissimi historicorum romanorum TACITVS ac SVETONIVS memoriae prodidere, Romanos olim in coniungendis fluuiis, ducendisque canalibus ac aquae ductibus immensis operibus desudasse, cuius rei vestigia hic quoque Comitatus quamplurima exhibet. Vuka enim ac Boffut lento suo fluxu ac quasi inuito, arte potius, quam natura sese productos fatentur. Imo extat hodiernum fossa, qua antiquitus Sauus ac Danubius flumina, perforato Almo monte coniungebantur. Alueus autem fluuii Vuka ab alueo Boffut, ab oppido militari Vinkoweze, vsque ad vicum prouincialem Nuſtar, non amplius quam mille passibus distat, nec obscura ibidem adhuc coniunctionis horum canalium exstant vestigia, cumque Boszut paulo infra

Brood ex amne Sauo oriatur, cum hocque Colapis seu Culpa celebris Croatiae fluuius ad Sissek confluat, huiusque origo ad pagum Tersacz vel Tersato a sinu maris Adriatici vix 10000. passibus absit, quam facili negotio Danubius cum mari supero committi possit, non obstante Albae graecae iactura, ex his quilibet leui calculo aestimare potest: quantum vero emolumenti patriae nostrae coniunctio Adriatici maris cum Danubio adlatura esset, commerciorum peritis procliue erit hariolari.

§. X.

Nomenclaturam legio quaeuis a praecipuo suo munimento fortitur, ut Gradiscana a Gradiska; Broodensis a Broodio; Petrouaradiensis a Petrouaradino, quorum ultimum arte & natura adeo munitum, ut ei par in Europa frustra quaesieris: situm etiam est in Syrmio. Praeter haec nullas in parte militari reperies civitates, oppida autem & vicos frequentes, tuguriis potius quam domibus constantes, quamvis modo & laterum exustioni opera detur. Pecora tota ferme hyeme per campos discursant. Orba propter humilem situm plerumque vitibus ora, lignatione, pascuis, arboribusque fructiferis abundat. Nobiliores militum exteri potissimum sunt, per quos, ac commercio cultiorum nationum, occasione bellorum, gregarii etiam mirum quantum perpoliti ac exculi, Den-

ensiffimi faltus; aquae ftagnantes, ac paludes, auram his locis grauem & infalubrem redunt. Arbores enim, ut corpora aere fpecifica grauiora, fordes omnes e paludibus emergentes ac nebulam, lege attractionis ad fe intant. Unde morbi omnes in ora militari & pertinaciores & periculofiores deprehenduntur, tam in prouinciali. Nec abs re laudatus PRINCE fimili huic nobis delcripto, Belgii fitui, fervatos ibi morbos tribuit.

§. XI.

Plaga Syrmii prouincialis, quae iuga poffimum montis Albii complectitur, longe elatius loco fita, ob hoc & falubrior eft. Exhalationes enim e folo ficciori non tam noxiae, nec in tanta copia adfurgunt, neque paludum circumcentium miasmata, nifi ad determinatam peroris eorum, in aere altitudinem adfcendere poffunt: adde quod aura montana frequentius entis imbribusque agitetur ac depuretur. Oppida & vici incolis abundant. Loca praecipua ant Vukovár, Sarengrad, Sottin, Illok, Ujlak, Ruma, Iregh, Nuftár: conftat ex omniis Vukovár, Nuftár, Illok, fiue Ujlak quod per apocopen idem fignificat, ac Ujftkás, quod latine novam habitationem dicitur) Vojska, Camienecz, ac Camerali, in quo Csalma cum aliis pagis. Locorum quorundam nomina, ut Ujlak, Diós, Angyalos,

Erdövég &c. satis clare innuunt, incolas huius provinciae olim Hungaros fuisse, quibus variis bellorum vicissitudinibus partim ultra flumen Drauum amotis, partim in captiuitatem turcicam abactis, natio Illyrica successit. Ortum procul dubio nomen, dum Dux Syrmii LAVRENTIVS a barbaris urbe Syrmienfi expulsus novam sedem Ujlakini fixisset. ISTVANEI fol. 36. n. 30. Situm etiam est in Comitatu hoc amplissimum dominium Illokienfe seu Ujlakienfe, quod Anno 1698. die II. Decembris ab Augusto LEOPOLDO, titulo Ducatus, Principi LIVIO ODESCALKI collatum est. Forma regiminis ad normam aliorum Regni Hungariae Comitatum introducta est: moderatur nempe eundem Illustrissimus supremus Comes L. B. FRANCISCVS a Paula BALASSA Perpetuus in Kékkö, Vagh-Besztercze &c. &c. eximius literarum literatorumque Patronus ac Statutor, cuius magna pars curarum in eo vertitur, ut gens haec omni bonarum artium ac scientiarum studio, in dies magis atque magis perpoliatur. Quem in finem passim nova Musis domicilia procurat, quo tenera aetas, ab ipsis incunabulis, ad humanitatem efformetur.

§. XII.

Viuacitas hominum haud ambiguum salubris aurae est indicium. Obuia enim hic exempla eorum, qui aetatem ultra seculum prouexere.

ere. Iuga montium limpidissimas fundunt
quarum scaturigines, nec ipsa Danubialis lym-
pha grauis sanitati, Vuka autem ac Bosut non
erinde conducunt. Solum pingue, quod uber
rouentus plantarum, quae tali gaudent terra,
sunt fagopyrum, triticum, petum, variae-
que melonum ac peponum, cucurbitarum item
species, manifesto produnt. Saepe namque hae
que ad insolitam luxuriant magnitudinem. Ac-
cedit omnis generis fructuum ingens copia. Ager
etiam pascuis, amnes variae sortis pisces sup-
editant, quorum princeps Sylurus videtur.
Clarissimum huius emporium est Vukovár, hic
nimis & frequentes & ingentis magnitudinis ca-
puntur.

§. XIII.

Pabulationes largae copiam pecudum
arsuetiorum alunt. Equi non quidem proce-
ssu, laborum tamen tolerantiores sunt ipsis in
usu Temesiensi natis. Humilis eorum statu-
ra, aut peculiari speciei, aut continuae ple-
numque, tempore etiam brumali, sub dio de-
fensionis tribuenda videtur. Frigus enim corpo-
re constringit; apricatio vero aestiua, aucta ul-
tra modulum naturalem perspiratione, succos
nutritios corpori animali subtrahit.

§. XIV.

Cum pecudum mentionem iniecerim, an-
imihi datur, quid per decursum triennii, quo
hic

hic loci dego, de earum lue (quae omnino frequenter contigit) obseruauerim, candide ac succincte edifferendi, praesertim cum Excelsum etiam Consilium Locumtenentiale Regium, Physicis locorum ordinariis isthoc negotium gratiose intimauerit. Enimvero labor iste plurimum annorum accuratissimas obseruationes requirit, antequam hac in materia solidi quid statui possit, adeoque consultius foret singulariter Medicis quibusdam hocce inuestigationis opus committere, qui aliis negotiis interea haud distingerentur. Proferam tamen quod animaduerti.

1. Obseruauimus luem pecorum, locis magis humilibus, paludosis pascuis, nec non exundationibus aquarum obnoxiiis, familiariorē esse, quam elatioribus.

2. Rubiginem aut rorem sic dictum melileum, saepissime mihi conspiciere licuit, crustam per hunc plantis impressam, oculo armato contemplatus, innumeros in ea vermiculos detexi, acto post ea ad infectum tale pascuum armento e vestigio luem irrepsisse expertus testor.

3. Annis elapsis erucae arbores immane quantum depascebantur, brassicamque & olera alia ingenti numero obsedere; nota quodque sunt exempla, ubi obiecta vaccae verminosa huius modi brassica, postquam eam deuorasset, confestim venter murmur continuū edidit, dehinc sequenti luce fluxa aluo pecore periit.

4. E veterinariorum relatione fide digna didici, nullam in lue hac contagii suspensionem hucdum deprehendi potuisse, quin potius infectum pecus, alio in vico, cum sanis eodem stabulo conclusum, his nullam labem intulisse. Inde tamen inferre nolim, nullam pecorum luem esse contagiosam, sed quandam solummodo.

§. XV.

Quae cum ita se habeant, in eam adducor sententiam, perniciem pecudum persaepe, a verminosa colluie, per pabulum ad primas vias, inde ad reliquas corporis partes delata, oriri. Cum autem bilis facillime putredine corrumpatur Vid. PRINGLE *Beobachtungen über die Krankheiten einer Armee, im Anhang pag. 417.* quae vermes praecipue fouet, mirum videri non debet, hepar ac ductus biliarios plerumque adfectos, ipsam etiam vesicam felleam, ultra volumen naturale distentam, lustratione viscerum internorum inveniri. Conf. Eruditiss. MAZUCHELLI notitiam practicam de Epidemico bouum morbo Anni 1735. Considerationem item morbi pecudum contagiosi, theoretico-practicam Tom. III. *Der ökonomisch-physikalischen Abhandlungen* adnexam p. 727. seq. Perill. L. Barone ab HOHENTHAL Auctore editam, add. Celeb. D. GEORGII AVGVSTI LANGGVTH Praeceptoris olim mei in alma Levcorea, ad cineres venerandi, Panegyrim medicam,

cam , de morbi boum contagiosi caussa & sanatione probabili , quam ad diem 5. Octobr. ann. 1753. Vitenbergae indixit , qua non specimen solum eruditi , sed boni etiam ciuis Physicis praebuit. Crebra obseruatione edoctus sum , iumenta , hac , de qua in praesentiarum scribo , lue , correpta , initio , ventris potissimum sonoro murmure infestata , subsecuto dein fluxu saepe cruento enecta fuisse ; quod documento est , omasum cum reliquo intestinorum tubo , principem mali huius sedem constituisse. Non abs re itaque Vid. Viri Cl. I. M. GĒSNERI Scriptores rei rusticae veteres Latinos edit. 1735. 4to. VĒGETIVS in praestantissimo suo opere de arte Veterinaria Lib. 1. cap. 21. In corporibus iumentorum sanguinem , inquit , indigestionis vitio plerumque corrumpi , ac paulo post cap. 25. pecudes ab indigestione febricitare contendit. Quod ipsum clarius docet Lib. cit. cap. 40. Venter , inquiens , qui aqualiculus nominatur , totius corporis obtinet dominatum , in cuius capacitate cibus potioque miscetur. Quod si loca illa praestriccio longi temporis vitiaverit , intestinorum dolor & corruptio digestionis necessario sequitur : hinc etiam tortura & extensio ventris , dolorque cum magno periculo , generatur , quae passio graece emphragma , latine praeoccupatio , dicitur.

§. XVI.

Sententiam hanc id quoque vero similio-
em reddit, quod si pestis pecorum cuiuslibet
ratio in miasmate, per athmosphaeram diffemi-
nato contineretur, brumali frigore superueni-
ente, vires veneni, si non in solidum tolle-
rentur, saltem certe aliquantisper infringeren-
tur, quod celeb. RAMAZZINI quoque euen-
urum, ast incassum, sperauerat. Vid. Dissert.
ius de contagiosa Epidemia Sereniss. Venet.
Duci JOH. CORNELIO dicata Opp. p. 783. Nos
quoque contrarium sumus experti; adhaec ac-
cedit sporadica morbi inuasio. Dic amabo! ec-
cur miasma illud, quod pro causa luis in ge-
nere venditas, quodque per aëra dispersum esse
asseris, praecise ad hunc pagum vel oppidum
adfligendum determinetur, vicinis aliis circumie-
ctis locis intactis ac illibatis? nam, hercle,
exhalationes quaeuis aut vapores, ob conti-
nuum aëris motum, diu in una eademque at-
mosphaerae plaga haerere nequeunt; & posita
communi ac generali causa, effectus quoque
communis ac vniuersalis consequi deberet, ne-
que enim minus aut plus est in effectum, quam
fuit in causa (per princ. Ontol.).

§. XVII.

Ast longe magis ridicula est illorum opi-
nio, qui ex Hungaria ac Sclauonia aliisque huic
Dia-

Diademati subiectis prouinciis, luem pecorum omnem, in alias Europae regiones, per eo adpulsas pecudes, propagari contendunt, neque enim concipi potest, quomodo animal peste infectum, tam diuturnum ac longinquum iter conficere possit. Quadrat profecto in huius sententiae Patronos illud *VEGETII* in praefat. *L. IV.* Solemnis, ait, excusatio negligentium est, dispendia ex dissimulatione (incuria) venientia *DEO* imputare vel casibus. Minus namque peccare se credit ignauia, si id, quod ipsius culpa accidit, ad potestatem incipiat deferre fortunae.

§. XVIII.

Neque vero haec eo intellecta velim, ut negem ullam unquam in aëre dispositionem ad producendam epidemicam brutorum animalium luem reperiri: dico solum, hoc uniuersaliter adfirmari non posse, & in specie de hoc casu, qui a nobis toto elapso triennio fuit obseruatus. Quemadmodum enim animalia rationalia, per certam aëris διαθεσιν, ad morbos epidemicos determinantur: ita αναλογίας naturalis consideratio suadet, idem pro hypothese apud bruta quoque adsumi posse. Neutro vero in casu sola aëris constitutio, quantumuis λοιμώδη, per se sufficiens esse videtur, ad propagandam pestem, nisi mutuum sani ac infecti corporis commercium seu contactus intercesserit: Vid. *SYDENHAM* de peste Ann. 1765 — 1766. *Londini op. p. m. 132.*

§. XIX.

§. XIX.

Terminus autem epidemiae, naturae conformi ratione, sequenti modo fieri deprehendimus. Ponamus, in loco quodam siue ob rorem meliorem, siue ob aquationem putridam ac verminosam, siue ob aliam quamcunque extra aëram causam, pecora aliquot febre corripitur, cuius sedes primaria sit in humoribus lymphatico-serosis, hi per transpirationem insensibilem in auras diffusi, tam per respirationem, quam vasa inhalantia, alterius animalis corpus subrepent, sibi que similem humorum discrasiam in eo producent, aut infecto per salivam morbidam pecudis pabulo, miasma in omasum ulterius deferetur, exin ad reliquos humores, atque pestis per contagium serpet. Fac porro, eodem loco & tempore, aërem quoque sordidus vaporibus ac nebula scatere, indeque transpirationem animalium cutaneam impediri. Vid. MAZINI in epistola ad VALLISNERIVM scripta, de praesente epidemia bouum ditionis Britannicae 1711. conf. A. E. Supplem. V. p. 459. Facile animo comprehendes, huiusmodi litem sponge lateque grassaturam; tolle vero dispositionem atmosphaerae, positis aliis causis, malum tunc arctioribus continebitur cancellis.

§. XX.

Rorem omnem e vaporibus atque exhalationibus, globi nostri terraquei, in atmosphaeram

B ram

ram eleuari, indeque in guttas condensatum recidere, inter cordatiores Physicos, veritas est extra dubii aleam posita. Itaque, quaecunque loca herbis venenatis, putridis paludibus, pascuisque immensa venenatorum, aut tabe diffluentium insectorum, copia sunt referta; illorum pascua quoque rore venenato, putrido atque noxio foedata erunt. Qualis enim terra, seu fundus, talis ros exinde exurgens. Nam qualis materia, tale materiatur (per princ. Ontol.). Succurrit memoriae, dum Ao. 1760. in inclyto Comitatu Zemplinienfi Physicum ordinarium agerem, Illustrissimum Dominum Baronem Döry mihi quadam occasione recensuisse, quod certa observatione comperisset, in possessione Battyán, cum horis matutinis in campum exiisset, in haud ampla territorii plaga, quibusdam in herbis, ante ortum solis, tantum venenatum viscidumque fuisse rorem, ut actum, experimenti capiendi gratia, in ea loca pecus, herba illa deglutita, illico aegrotauerit, ac in faucibus inflammatione corripere-tur, post ortum vero solis, difflato in auras, per radios solares rore illo noxio, iisdem in locis armentum inuiolatum pauisse.

§. XXI.

Quod vermium ac insectorum colluies, ansam, lvi pecorum iugalium, praebere possit, tam meis, quam aliorum doctissimorum

irorum accuratissimis animaduersionibus vero
millimum redditur. Omnibus enim illis an-
is, quibus dira haec & oeconomiae tam ini-
nica pestis, fertilissimum agrum Syrmiensem
lepopulabatur, immensa erucarum ac aliorum
insectorum multitudo fuit obseruata; quamuis
promiscue, amoenissimam alioquin orae huius
habitationem, verna ac aestiua varii generis in-
sectorum agmina valde efficiunt incommodam.
Iussufragatur opinioni huic, inter alios, REAV-
MVRIVS in curatissima historia insectorum Tom.
II. cap. 4. Ex his erucis, inquiens, plerae-
que urunt, urticarum more, nec attactae tan-
tum cutem vitiant, sed & e longinquo, Pha-
eoli pruriginosi instar, sua dimittunt spicula,
unde intolerabilis fere aestus illos, qui propio-
res facti sunt, excruciat. Quantam his fidem
ac pondus relationes Wratislavienses in Ver-
such XXIX. p. 285. concilient, cuique medi-
tatione dignissimam narrationem paulo atten-
tius pensitanti clare patebit. Porro iidem so-
lertissimi Auctores fidem faciunt, rorem mel-
leum vermiculos ac erucas infinito numero pro-
duxisse, quibus inquinata esca, inflammatio-
nem labiorum ac faucium, tormina ventris,
aluum solutam ac cruentam concitauit. Vid.
Breslauische Sammlungen Versuch XXXVI. p.
705. seq. conf. Vers. I. p. 57. Quibus impul-
sus, natalibus ac literis illustris Eques VALLIS-
NERIVS, utilissimas obseruationes de constitu-

tione verminosa & epidemica, equos in Ducatu Mantuano & territorio Veneto infestante, itemque de lue bouina, & generatim de vermiculis pestilentialibus Opp. Physico-Medic. Tom. II. Tractatu I. edidit. Conuenit cum his saepe laudati MAZVCHELLI relatio in Notitia practica, de Epidemico bouum morbo Ann. 1735. grassante; causam nempe ille mali pestiferi, & morbi, quo e corpore in corpus migret, modum, post plures plurium sententias in seminio quodam verminoso collocauit, quae antiquissima iam LVCRETII fuerit sententia, recentiorum quoque VALLISNERII, GOGROSSII, CORTIIque, magnorum per Italiam in arte virorum. Adiuncta his auctoritate Ephem. Nat. Cur. Cent. I. Obs. 117. vix maior argumentorum cumulus, ad stabiliendam opinionis huius probabilitatem poterit accedere. Posita hac hypothesi omnium morbi phaenomenorum ratio nullo negotio reddi posset, tam scilicet eorum, quae in animali adhuc viuo, quam quae in cadaueribus sectis animaduersa sunt, aut ut id exequar, tum pagellarum breuitate prohibeor, tum superuacaneum etiam existimo, de re tam euidenti, cuius causam vel ipsa rudis plebs in ventrem reiecerit, pluribus velle differere.

§. XXII.

Cognita, hoc pacto, mali causa, restat iam, ut quid de remediis eius sentiam, paucis

s indicem. Neque enim breui hoc temporis teruallo, sufficientia in hunc finem experimen- capere mihi licuit. Fundamentum namque cognitionis philosophicae, est cognitio historica, ergo & theoria medica ex experientia seu raxi erit deducenda (per princ. philos. universalis). Quantum itaque praemissis obseruationibus, tanquam basi, solide superstrui potest, in sequentibus expediam.

§. XXIII.

E §phis praecedentibus elucescit, dari non nunquam luem pecorum (ad quam classem hanc quoque, de qua modo agimus, referendam arbitror) cuius ratio sufficiens in corruptione per verminosam colluuiem pabulo continetur. Prona igitur hinc consequentia elicitur, omni ope eo enitendum esse, quo noxia haec infecta e medio tollantur. Nota vero plebis indole, ea etiam, quae in proprium eius commodum tendunt, non nisi coacta exequitur; necessum hinc esset, auctoritate magistratum, incolas locorum, inprimis ad extirpandas, tam arboribus, quam olerum plerisque generibus, exitiales, erucas compellere. Quod quidem initio veris vel alio quouis tempore, quo rami foliis viduati iam sunt, aptissime perfici posse putarim. Nec inutile foret truncum scapumue arboris vermibus obseffae, oleo terebinthinae, vel iuniperi, aut alio quocunque (olea etenim

omnia vermibus veneno sunt) ad trium vel 4. digitorum tranfuerforum latitudinem , inungere, ut fcilicet animalcula ifta a defcenfu in terram ac pascua arceantur, accommodatiffimum tamen eft remedium , igni ea comburere. Peflima etiam illa confuetudo penitus abolenda effet, qua folia caulium ab erucis aliisque vermibus haud repurgata , pecudibus pro pabulo obiiciuntur. Aduerti certe ego ipfe , haec tam brutis , quam hominibus faepe funefta fuiſſe (§. XIV. n. 3.

§. XXIV.

Pascua dein , rubigine aut rore (fic dicto) melleo , reſperſa , ſollicite vitanda : nec foenum putridum , vel quouis modo corruptum , crudum , iumentis offerendum. §. XX.

§. XXV.

Quod ſi vero pecus ex alterutra *προφάσει* iam infectum effet , anthelmintica ſeu vermes enecantia remedia , adhiberi oportere , tam hypotheſis noſtra , quam experientia fidiffima rerum magiſtra ſuadet. Agunt enim illa 1. materiam putridam muccidamque deſtruendo & educendo. 2. Vermes necando ac expellendo. 3. Inertiam bilis (quae ſecto cadauere ut plurimum vitiata eſſe deprehenditur) corrigendo. (§. XV.) 4. Ventriculū debilem roborando. Praecipua vero eorum , quae commode apud
bruta

pruta adhiberi possunt, sequentia sunt, & quidem ex regno minerali Mercurialia, Antimonium Ger. *Spießglas*, Hung. *Piskoltz*, Slav. *Spießglas*, ac sulphur in primis caballinum Hung. *Lókenkö*, Germ. *Roßschwefel*, Slav. *Cžerna Sýrka*. E vegetabili autem plura peti possunt, utpote Allium, cuius apud pecora cornuta, praestantissimam efficaciam ipsemet saepius expertus sum, Caepae, herba Absynthii, Hyperici *Tsengö-fü*, *Johanneskraut*, *Cžerweny Zwonec*, Tanaceti, *Varadits fü*, *Rheinfarn*, *Wratyc*, aliaeque amarae, adhaec Asa foetida, *Oerdögšzar*, *Ussant*, *Cžertowe Lagno*, Aloe epatica *Kösönséges aloe*, *Leber-Aloe*, *Gatrowé bármoy aloe*, it. Myrrha. Quae cum obuia sint, vario modo cum furfuribus misceri, ac pecudi propinari possunt aut debent.

§. XXVI.

Si animal fluxa ac cruenta aluo laboret, haud absone commendat iam laudatus D. LANGGVTH clysteris, ex decocto furfurum cum oleo lini, parati usum.

§. XXVII.

Si vero manifestis indiciis compertum haberetur, luem inter iumenta per contagium serpere, eo casu viscerum potissimum inflammationi obuiam eundum erit, quo scopo RAMAZZINI

corticem chinae seu Peruvianum, qua securissimum praesidium celebrat, nec datur in rerum natura aliud remedium, quod animale corpus, contra gangraenam ac sphacelum, efficacius tueri possit praeter Venaesectionem. Tandem consilio atque cautione **VEGETII** Libr. III. cap. 2. omnino utendum: Omni studio, quae semel tentata fuerunt, segreganda sunt, animalia, et ad ea loca mittenda, ubi nullum animal pascitur, ne contagione sua omnibus periculum generent, et negligentia domini, sicut solet a stultis, diuinae imputetur offensae. Haec de lue pecorum, ad mandatum Excelsi Consilii Regii, chartae committenda censui.

§. XXVIII.

Missa iam cura, quam hactenus in conseruationem brutorum animalium conuerteramus; agedum omni industria et sollicitudine, in conseruationem animalium rationalium, cogitationes nostras intendamus, quae tanto illa erit praestantior, quanto haec illa antecellunt, praesertim cum pleraeque febres epidemicae, iure meritoque minor saltim gradus verae pestis dici mereantur, cum hac etiam non raro confundantur. Vt vero harum causae et effectus genuine intelligantur, quaedam de constitutione corporum ac diaetae incolarum, quae ad propositum nostrum pertinere videbuntur, paucis attingenda esse existimaui.

§. XXIX.

§. XXIX.

Natio haec temperamenti est potissimum sanguineo-cholerici, (vt cum scholis loquar.) facie fusca, tetrīs oculis atque comis, magno corpore et ad impetum valido, laboris atque operum patientissimo. Marti potius quam Minervae dedita, hanc non nisi a limine salutat. Defectum artium mechanicarum commerciis suppleant, inde crebra itinera ac corporis motus. Terra pinguis et absque fimo fertilis, ad ductum D. KÜLBELI in Dissert. de causa fertilitatis pag. 9. seq. examini chymico a me subiecta, aqua calida, adiuuante digestionē, ac tandem ipsa decoctione, magnam copiam materiae terreo-salino-vnguinosaē largita est, ita, vt nil, nisi craffior portio fabulosa, vltiorem solutionem plane respuens, remaneret. Magma vnguinoso-salino-terreum, quod post lenem lixiuiorum euaporationem, impetraueram, brunneo-rubicundi coloris erat, et, aqua rursus solutum atque filtratum, colorem rubicundum elegantiorē debitamque pelluciditatem adquirebat, nec amplius terreī quidquam, licet iterata vice solueretur, ad fundum deponebat. Cuticula quoque salina, qualem salia lixiuiosa, sub sui euaporatione, formare solent, vltimo enata fuit. Extractum concentratum, destillatione per cucurbitam, primo phlegma saporis terreī, dein liquorem flauescentem empyreumaticum, transmisit. Reliquum terra leuis, can-

didata erat, quae aqua elixiuata, non nihil salis fixi, medii, nec cum acidis nec cum alcalinis, efferuescentis, cum puluere carbonum, nitri ad instar, detonantis, adfuso acido vitriolico, spiritum acidum, quo nitrum regenerari poterat, eructantis, exhibuit. Caput mortuum calcinatum niuem candidissimam aemulabatur. Notatu dignum erat, quod terra montana fabuloso-argillacea sterilior, loco salis medii, acidum vitriolicae profapiae, addito inflammabili verum sulphur efformans, praebuerit. Cum igitur vina rubra, quae apud nos frequentiora sunt, in huiusmodi potissimum solo procreentur, genesis eorum ab hoc principio acido vitriolico praeualente, haud incongrue deriuari posse opinor; praesertim cum color rubini, sapor austerus, ac vis adstringens idem arguere videantur.

§. XXX.

Est alius quoque potus, genti huic ad abusum vsque familiaris, qui lingua vernacula Sliuouicza adpellatur. Liquor est spirituosus inflammabilis, e prunis maturis per fermentationem elicitus. Qui destillatione e cucurbita B. A. commissa, exploratus, primum alkohol, dein aquam copiosam, postea liquorem acidiusculum, exin flavescentem empyreumaticam, porro oleosum empyreumaticum, magma residuum vnguinoso-mucilagineum, igni aperto vstum

ustum sal alkali affatim, tandem reliquiae calcinatae paucam terram albam, aqua penitus indissolubilem, prodiderunt. Massa initio destillationis vehementer spumescebat, et mucum subtilissimum in recipiens eructare conabatur, ideoque ignem moderatissimum requirebat. Ex his liquet, liquorem memoratum ex spiritu inflammabili, aqua, sale acido vegetabili, materia vnguinoso-mucilaginea ac terra primordiali compositum esse. Sal enim alkalinum omne, ignis, non naturae, progeniem esse constat. Potus itaque iste, qui genti, adiectis cepis vel allio, ientaculum plerumque praebet, sanguinem non tam valide exagitat, ac alii spirituosi, praemissis principiis destituti. Reliquus cibus ritu religionis orientalis, cui maior nationis pars strenue adhaeret, ab omni pinguedine animali, potiori anni parte, abhorret, leguminibus vero aceto et oleo conditis, tanto liberalius vescuntur.

§. XXXI.

Siquidem qualitates aëris in sensus incurrentes, ut sunt calor et frigus, humiditas et siccitas, grauitas ac leuitas, C. H. ad suscipiendas febres sporadicas seu intercurrentes determinant, ex hisque, coniunctis simul sex rebus non naturalibus, ratio earum sufficiens reddi queat; imo in ipsa epidemicorum existentia, ac modificationibus, haec pro concausis assumi debe-

debeant (§. II. III.) nemo ab instituto nostro aliena nos tractasse iudicabit, quod synopsis hanc delineationis tam terrae, quam incolarum, ephemeridibus hisce, anniuersario impofterum labore, continuandis, praemiserimus.

§. XXXII.

Anno epochae christianae 1763. Calend. Maii has in oras delatus, cum nullum mortaliū hic offenderim, qui, ante aduentum meum, viciffitudinibus epidemicorum indagandis operam nauaffet, hinc etiam dicendo non fum, quisnam epidemicorum eo tempore hic loci praedominium obtinuerit, praefertim cum ex hypothesi Sydenhamiana (quam fequi nobis quoque animus est) ille epidemicorum ceteris sibi fynchronis praedominari dicatur, qui circa aequinoctium autumnale, caput supra reliquos effert. Vid. Oper. pag. m. 49. Notandum praeterea erit in antecessum, febres intermittentes, hisce in oris, in primis autem in confinio endemias esse, adeo vt nullus fit annus, nulla constitutio, ubi penitus euanescerent, imo nullo non anni tempore incolas adoriuntur, hac solummodo cum differentia, quod nonnunquam peioris indolis esse obseruentur ac latius grassentur, alio vero tempore benignioris sint genii ac intra angustiores limites sese contineant.

§. XXXIII.

§. XXXIII.

Itaque vt filum narrationis persequar, mense Maio ante indicati anni, vestigia quaedam pleuritidis atque anginae deprehendi. His ii potissimum corripiebantur, qui in linea provinciali, eo tum per rusticos ducta, in vilibus tuguriolis, male vestiti excubabant. In hac enim regione frigus nocturnum a diurno pomeridiano saepe 12. 15. ac amplius, gradibus thermometri Florentini differre solet, vnde noctu male tectum corpus si diurno calori exponitur, iterumque insequenti frigore alget, subitae talismodi caloris ac frigoris vicissitudines corpora ad febres inflammatorias disponere solent, quod iam ipse graecus Magister monuit Aph. Sect. III. 11. Περι δε των ωραιων, ην μεν ο χειμων αυχμηρος και βορειος γενηται, το δε εαρ επομβρον και νοτιον, αναγκη του θερεος πυρετς οξεις και οφθαλμιας, και δυσεντεριας γινεσθαι, μαλιστα τησ η γυναιξι, και ανδρασιν τοισιν υγρας εχουσιν φυσιας. Praecedentibus enim mensibus Ianuario, Februario tempestas fuit aquilonia ac sicca, dehinc Martio mense austrina et pluuias, mox derepente in Aprili rigidissimum gelu cum maxima niuium copia incidit, quod sub finem eiusdem mensis, aucta iam tum vi radiorum solis, confestim euauit. Anginam huius temporis quod attinet, ea plerumque, cum euphoria extrorsum vertebatur, idque vel sponte, vel

leui quocunque emolliente adhibito, ad mentem *Cor Sect. VI. aph. 37.* Ἐπο κυνανχης ἐχομενω οἰδημα γενεσθαι ἐν τῷ τραχηλῷ, ἀγαθον. Haec vero mense Maio.

§. XXXIV.

Circa solstitium aestiium, febris sic dicta semitertiana graecis ἡμιτεταιος intercurrit, eosque ut plurimum adorta est, qui aetate florentes lautiori diaetae ac vitae sedentariae dediti, animum altioribus curis exercuere. Paroxysmi eius quouis tertio die cum vomitu aluoque biliosa inuasere, aestus remisit tantum, non intermisit, quotidie etiam circa vesperam exacerbabatur. In febre hac animaduersionem *BAGLIVII Prax. p. 51.* ratam esse comperi. Cortex enim Chinae per ineptos barbitonfores, quibus gens haec nimium est addicta, praepostere exhibitus, vel inflammationes lethales, vel febres lentas et hecticas induxit. Curatio per blanda laxantia diapnoica ac diuretica felicissime successit. Nec *V. S.* nisi in eminenti plethora conueniebat. Cum hac pari passu febris tertiana, quae feruente Sirio typum duplicabat, vel initio continuabat, autumno succedente vero in regulares tertianas quartanasue definebat, incessit. Appetente dehinc solstitio brumali, febres intermittentes, vel recessere, vel in febrem lymphatico-catarrhalem malignam degenerauerunt, posterius coniectari tam affinitas febrium inter-

intermittentium cum lymphaticis intercedens, quam humida ac austrina constitutio mensis Novembris, magna cum verisimilitudine me iubet. Memorata haec febris catarrhalis tantam edidit tragem, ut peste eo tum vicinis in partibus urcicis faeuente, promiscue pro eius propagatione haberetur, donec ego mandante Illustrissimo Supremo Comite, eo tum qua Regio per Regnum Slauoniae sanitatis Commissario, ad indagandam mali indolem, exmissus, isthanc morbi speciem esse detexissem. Inuadebat enim circa vespertinum cum horrore, quem tam intensa comitabatur cardialgia, ut aeger vel lenissimum contactum in regione Scrobiculi cordis, summo cum tremore recusaret, repentina ac extrema virium aderat prostratio, cum pulsu celeri ac debili plerumque inaequali, malignis familiaris, sitis exigua, lingua scabra mucositate obducta, affectus comatosi, lumborum tensui dolores, alius crebrius fluxa quam adstricta, urinae initio crudae limpidissimae ac paucae, sedimentum circa diem quartum porraceum ex crufo albescens deposuerunt, exanthemata, ob regimen minus calidum, paganis nostris usitatum, plane nulla comparuere, nisi per errorem vel diaetae vel medicationis, cum tamen genius morbi id secum ferre videbatur. Crisis morbi duobus ut plurimum septenariis absoluebatur. Emeticum tempestiue propinatum, ex nypecacuanna, chymicae suppellectili iuncta, apud

apud robustiores crassiori ac inordinato victus generi deditos; ast apud delicates, vel non identidem profuit, vel ad minimum non necessarium esse videbatur. V. S. (si casus singulares exceperis) siue ab initio siue moderatissima manu celebrata, vires plerumque magis deiecit, ac nisi postea cardiacis obuiam itum fuisset, certum exitum adlatura. Memor itaque moniti Ill. Archiatrorum Praefidis Baronis VAN SWIETEN in hecatombe dignorum Comm. §. 661. subitam hanc virium prostrationem, a materie caustica, circa praecordia haerente, deriuavi. Vbi plethora V. S. indicabat emetico eam praemissi, ita suadente immortalis SYDENHAMO Op. pag. 65.

§. XXXV.

Surgente anno 1764, dicta febris, pedetentim receptui cecinit, atque morbillis intermittentibusque vernalibus sceptrum concessit. Illi mense Ianuario orti, circa aequinoctium ad ἀκμην peruenere, at circa solstitium aestiuum evanuerunt: his vero ad conspectum arietis fugatis, variolae confluentes ingressae sunt, quae nihil peculiare habuerunt, praeterquam quod in facie solummodo confluerent, ac ubi apud abiectionem plebem sine ope medica decurrissent, usque ad disparitionem variolarum quidem feliciter, idque ob regimen inprimis aestiuum aerae liberiori expositum, dehinc autem cum aetas

s puerilis conclauibus minus coërceretur, metastases postliminio plures, quam ipse morbus, ortho dederunt.

§. XXXVI.

Variolae iam commemoratae circa aequinoctium autumnale culmen incrementi adeptae, impetum frigoris brumalis haud sustinuerunt, sed finemque in benignas abiere.

§. XXXVII.

Mensis Augustus nouum morbi genus protulit. Dysenteria enim, quanquam fructus quibus eius genesis perperam adtribui solet) satari fuerint: funera tamen haud vulgariter denotabat. Qua, adulto iam autumno, senescente, autumnales febres, denuo repuerascebant, cum hoc insolito symptomate, quod diarrhoea maiori eas ex parte comitaretur, imo per eam unditus soluerentur. Ita ad finem vsque anni perseuerarunt. Rationem erue e H I P P. Sect. II. aph. 16.

§. XXXVIII.

Ineunte anno 1765, cum tota ferme hyems pluuiosa ac austrina fuisset, id euenit, quod C O V S iam olim praedixerat Sect. III. aph. 17. Αἱ δὲ νοτίαι διαλύσι τὰ σώματα, καὶ ὑγραινῶσι prout autumno tepente praeuio, sensu Aph. 13. Sect. III. Ἦν δὲ τὸ θερὸς αὐχμηρὸν καὶ ἐσ-

ρειον γενηται, το δε φθινοπορον επομβρον και νο-
τιον, κεφαλαλγαι ες τον χειμωνα, καβηχες
και βραγχοι και κορυζαι: ενιοισι δε και φθισιες.
Pleuritides ergo et peripneumoniae, tussesque
catarrhales mature laceffere coeperunt incolas,
quae vere insequente in anginas ac parotidas
terminabantur, sicut suo iam aeuo Hippocrates
euenisse testatur. Sect. III. aph. 23 et 20.

§. XXXIX.

Praecedente §. iam innuimus, autumnum
integrum anni 1764, totamque hyemem subse-
quentem anni 1765 continuis imbris, adeo
maduisse, vt toto hoc tempore nullae apud nos
niues constiterint. Vnde accidit, vt insolitae
plane exundationes aquarum, vsque ad autu-
mnium anni 1765 fere continuo durauerint. Sub
initium vero Augusti aquae multum subsedere
neque incrementum earum semper eodem
tenore processit, sed alternatim mox adcreuere
mox iterum decreuere. Febres autumnales
non prius adparuerunt, quam post primum vi-
darum lapsum, qui circiter medio mense Iulio
contigit. Quod mihi actutum perbellam D.
PRINGLE obseruationem in memoriam re-
vocauit, quod dum exundationes recedunt
stagna ac coenum post se relinquunt, ex quibus
potissimum noxiae sanitati exhalationes in auras
attolluntur. Aqua enim pura eiusque vapores
aërem nullatenus possunt contaminare.

§. XL.

§. XL.

Quamprimum igitur diluuius ista mense
io decrefcere coepiffet, feruore folis ac aëre
teto, tam vegetabilia quam animalia in locis
te inundatis putrefcere debuerunt, vnde tan-
tamque infolita variorum insectorum multitu-
atmosphæram occupauit, quantae annis
æcedentibus, non facile quis meminerit,
æ infecta pereuntia putridis rursum vaporibus
aërem contaminarunt. Vnde febres inter-
mittentes autumnales maturius folito ortæ, men-
fibus fequentibus, tam late graffabantur
que frequentes erant, vt, quamuis pancrea-
te valentem, intactum relinquerent neminem.
rioribus quidem menfibus continuarum speciem
ferentes, fenfim in perfecte intermittentium
dolem degenerarunt; menfibus vero Octobri
Nouembri initio ftatim intermittentes fe effe
tebantur. In Augufto autem characteres omnes,
toleræ morbi ad amiffim expreflerunt.

§. XLI.

Praecipua earum fympfomata fequentia
ant: inuaferant vnumquemque fine vlla æta-
am vel fexus differentia, idque cum horrore,
ngenti cardialgia ac dolore fub fcrobiculo cor-
is, cephalalgia, naufæa, cui e veftigio vomitus
iridis atque atrae bilis caufticæ ac male olen-

tis, vehemens successit, mensibus Augusto et Septembri crebrae ac copiosae deiectiones alvinae biliosae, lingua arida fissa, e flauo fusca, sitis intensa, pulsus celer, sed debilis, sub initium inaequalis, repentina functionum omnium exsolutio, sequenti aurora aestus nonnihil remisit, postea in aliis tertianae continuae, in aliis duplicis, in aliis semitertianae, adolescente vero autumno primum quartanae continuae, dein plerumque duplicatae triplicataeue scenam ludit. Infantilem et puerilem aetatem, cum conuulsionibus ut plurimum funestis adgrediebatur. Adultioribus raro feralis, cum exulcerationibus labiorum, ac sudoribus nocturnis tandem decessit. Ingruente solstitio brumali, fugatae huic, febris continua, fasces eripuit. Pathologiam ac therapiam eius, in ephemeridibus anno 1766 pertractare conabor.




CONTINUATIO
EPHEMERIDVM
PHYSICO - MEDICARVM SYRMIENSI-
VM PRO ANNO EPOCHAE CHRI-
STIANAE 1766. CONCINNATA

AUCTORE

MARTINO MARIKOWSKY

N. H. MED. DOCT. I. COMITATVS

SYRMIENSIS PHYS. ORD.






CONTINVATIO

EPHEMERIDVM

PHYSICO - MEDICARVM SYRMIENSIVM,

ANNI 1766.



§. XLII. SCHOL.

In Ephemeridibus anni prioris promiseram me in sequentibus, pathologicam quoque ac therapeuticam tractationem, febris illius intermittens, quae eo tum per totam Sclavoniam epidemice grassabatur, daturum: fidem modo exsoluere conabor. Enimvero, cum Duce SYDENHAMO ac D. PRINGLE (*Beobachtungen* p. 225.) specialissima morbi cuiuslibet pathologia, a therapia potius eiusdem, quam haec ab illa peti debeat; posterior autem iuuantium ac laedentium observatione, adeoque experientia immediate nitatur: ideo huic methodo insistendum esse putavi.

§. XLIII. DEFINITIO.

Morbus quilibet, ergo & hic, de quo agimus, considerari potest, vel indiuidualiter, id est, quatenus in indiuiduo A aut B inexistit: vel specificè, nempe quoad attributa seu determinationes constantes ac necessarias, quae indiuiduis omnibus communes sunt, adeoque a forma eius inseparabiles: medici signa pathognomica adpellant: vel denique generice, quatenus is nempe, cum aliis morbis, specie a se diuersis, conuenit.

§. XLIV. Corollarium.

Ex his consequitur, pathologiam quoque ac therapiam, cuiuslibet morbi, triplici hoc modo considerari posse.

§. XLV. Theorema.

Pathologiae ac therapiae specialis, principium cognoscendi est pathologia ac therapia indiuidualis.

Demonstr. Cum enim specierum omnium principium cognoscendi sint indiuidua (per princ. Log.) pathologia vero ac therapia specialis, ad indiuidualem se habeat, ut species ad indiuidua (per def.) Ergo verum est Q. E. D.

Schol. §. 42^{di} hoc sensu accipi velim.

§. XLVI.

§. XLVI. Theorema.

Therapia indiividualis morbi , cuius pathologia specialis nondum est cognita , partim a posteriori per experimenta , partim a priori ex therapia & pathologia generali , erui debet.

Demonstr. Omnis enim therapia est cognitio causarum , morbum datum , tollentium (per def. therap.) adeoque cognitio philosophica (per huius def.) Ergo abstracta , abstracta vero vel sunt genera vel species , cum autem causae speciales , a quibus differentia morbi specifica dependet (per princ. Ontol.) incognitae esse ponantur (per hypoth.) sequitur eam ex causis generalibus peti debere , hae autem pathologiam ac therapiam generalem constituunt (per def. path. ac ther. gener.) atqui dum a genere ad singularia concludimus , id a priori fieri dicitur (per princ. Logic.) Ergo patet membrum theorematis alterum rite se habere : enimvero therapia indiividualis inuoluit quoque notionem indiuidui , notiones indiuiduales autem ope sensuum acquiruntur , & constituunt experientiam (per def. exper.) experientia cum attentione facta vocatur experimentum , sed cognitio per sensus adquisita esse dicitur a posteriori (per def.) manifestum itaque est ad therapiam indiuidualem experimentum quoque necessario requiri , id est alterum theorematis membrum.

Q. E. D.

Coroll. E contrario in morbis , quorum pathologia specialis cognita est , ex hac therapia eorum specifica deduci debet.

§. XLVII. Theorema.

In cognoscenda noua morbi specie , pathologia eius specialis , e therapia deducitur speciali.

Demonstr. Cum enim therapia specialis, morbi huius modi , e pluribus indiuidualibus , nec non e generali therapia deducatur (46.) consequens est , cognitionem pathologiae specialis hanc non praecedere , verum sequi , adeoque ex hac deduci debere. Q.E.D.

Schol. Hoc modo Sydenham ac Pringle ex methodo medendi naturam morborum indagarunt. Ita prior in noua pleuritidis specie anni 1675. e signis diagnosticis obseruauit pleuritidem adesse , unde secundum regulas therapiae generalis conclusit V. S. indicari , quum autem e therapia indiuiduali comperisset repetitam V. S. in hac obesse , formauit inde pathologiam eius specialem , eam scilicet febris stationariae accidens esse. Vid. oper. p. m. 310.

§. XLVIII. Definitio.

Medicus rationalis est , qui medendi rationes tum a posteriori tum a priori distincte deducit : empiricus vero dicitur , qui eas a posteriori solum confuse petit.

§. XLIX.

§. XLIX. Theorema.

Nec indiuidualis therapia, nec pathologia eius, esse potest mere empyrica.

Demonstr. Pathologia enim ac therapia indiuidualis, generales regulas ad indiuidua applicat (per def. & §. 46.) Ergo distinctam earum cognitionem supponit, ac a genere ad indiuidua, hoc est, a priori rationes ducit; at in empyrica contrarium fieri deprehendimus (§. 48.) euidens itaque est Q. E. D.

Coroll. Pathologia itaque ac therapia generalis, atque specialis, omnibus indiuiduis sub eodem genere vel specie contentis, competit.

§. L. Problema.

Explicare pathologiam ac therapiam specialem, febris epidemicae intermittentis, quae anno 1765. in Syrmio ac tota Sclauonia solito magis saeuiebat.

Resolutio I. Detur historica descriptio morbi, nec non iuuantium ac laedentium.

1. In ephemeridibus anni superioris, iam quaedam praelibauimus, maiori nimirum anni parte, insolitas aquarum exundationes contigisse.

2. Circa solstitium aestiuum, dum aquae decreuissent, ac stagna reliquissent; quae ardore syrii exsiccabantur, in eisque magnam, tum vegetabilium, tum animalium copiam putredine

ne contabuisse, infectis quoque annum hunc prae ceteris abundasse; febris haec ingressa est.

3. Mensibus calidioribus, sub initium typum continuæ induebat, postea perfecte intermisit, autumnō adultiori statim paroxysmos intermittentes formabat.

4. Adpetente solstitio hyberno, brumali frigore fugatae, febris continua successit.

5. Dum intermitteret, paroxysmos partim tertianae, partim quartanae, simplicis vel duplicis ludebat.

6. Mense Augusto cum cholera complicabatur, quo tempore nullam dysenteriam observauimus, licet fructus in copia adfuerint.

7. Inuasit plerumque circa meridiem, cum horrore ac rigore notabili, & in quolibet paroxysmo cum vomitu bilioso enormi.

8. Capitis dolor & lumborum, insignis virium prostratio, pulsus celer ac debilis, amarities oris, lingua fusca, sed sitis post vomitus non adeo intensa, adpetitusque prostratio atque in quibusdam dolores artuum, observabantur, nec non adfectus soporosi.

9. Aluus ut plurimum adstricta: urinae initio paucae ac tenues, circa diem quartam turbabantur, ac sedimentum lateritii coloris deponabant.

10. Sudores nocturni morbo superato, per aliquod tempus, satis large manabant, odoremque alliaceum spargebant; adhaec labiorum
exul-

exulcerationes morbo declinante , tantum non omnes diu defœdabant.

11. Haud difficile tamen fuit ei mederi , idque digestiuis ac emetico commodissime perficiebatur.

12. Venae sectio mensibus aestiuis apud plethoricos profuit ; autumnalibus vero morbum adeo prorogauit , ut is absque usu corticis febrifugi depelli non potuerit , cuius ope mensibus prioribus , ubi V.S. adhibita non fuit , opus non erat.

13. Si omnia circa aegrum rite peragebantur , brevis durationis erat , & quarto plerumque paroxysmo desit.

14. Nulli aetati pepercit , adultioribus tamen ac infantilem egressis , nunquam per se funesta , nisi tabidis , infantes vero saepissime cum conuulsionibus adoriebatur , qui cum quouis paroxysmo periodice recurrebant , apud tenellos potissimum fatali cum exitu.

II. Colligantur casus , huic nostro similes , eorumque contraria :

a) Ex obseruationum medicarum Scripto-ribus constat , insolitas aquarum exundationes , plerumque morbos epidemicos , excepisse ; idque tum demum , cum aquae decrescen-tes stagna putrescentia post se reliquissent , consequi solitum , quod inter reliquos Cel. PRINGLE l. c. adnotauit , alios citare superuacaneum foret.

b) Cum

b) Cum morbis putridis ac biliosis summam affinitatem habere febrem hanc, e symptomatibus recensitis, in primis autem N. 6. clarum est.

c) Mox laudatus Auctor in lib. cit. pag. 348. & 417. experimentis euicit, bilem facile quidem putrescere, eius tamen putredinem non adeo tetram ac virulentam esse, ac solidiorum ac quarundam fluidarum C. H. partium: febres etiam intermittentes, cum vomitu flauae ac viridis bilis coniunctas, locis paludosis, qualem maiorem Syrmii partem esse in prioribus iam retulimus, quasi domesticas esse adseuerat. L. c. pag. 96. 206. 207.

d) In morbis ab acrimonia proficiscentibus, ut scorbuto, defluxionibus acribus &c. exulcerationes partium, obseruantur.

e) Tempore brumali ac vernali, huius modi febres, quales descripsimus, epidemice nunquam grassantur.

f) In locis etiam elatioribus atque ficcioribus regionibus, a stagnantibus aquis liberis, quarumque incolæ munditiei communi industria student, similes morbi perraro, nec tam malis moris, eueniunt.

III. Ex resolutionis membro 1. & 2. patet dari hic tria cognita, nempe 1. Historiam morbi, cuius ratio quaeritur. 2. Alios casus, qui cum hoc nostro similes quasdam determinationes habent. 3. Ratio sufficiens simi-

lium

lium illarum determinationum, ex resol. membr. II. eruitur. E tribus his datis tertium i. e. hypothesis s. ratio totius casus, quaesita, elicetur syllogistice, sequenti modo:

1. Formetur propositio maior vniuersalis, e determinationibus similibus, quae inter utrumque datum casum similium intercedunt, idque assumatur pro subiecto seu medio termino: praedicatum vero sit datum 3. seu ratio harum determinationum.

2. In propositione minori particulari, subiectum sit, idea morbi, cuius ratio quaeritur, composita siue totalis: praedicatum autem pars huius notionis compositae, quam determinationes illae communes constituunt, quaeque pro medio termino syllogismi sunt adsumtae; unde emerget syllogismus fig. i. in forma dArII, & conclusio erit hypothesis quaesita, verum particularis; hoc modo:

dA Omnium phaenomenorum, resolutio-
nis huius membr. II. recensitorum, ratio,
in atmosphaera nostra, putridis exhalatio-
nibus ultra modum naturalem referta, bi-
lemque CH praecipue corrumpente, con-
tinetur.

rI. Quaedam phaenomena casus dati, sunt
illis similia.

I. Ergo quorundam phaenomenorum ca-
sus dati ratio in iisdem causis continetur.

IV.

IV. Cum hypothesis hoc modo inuenta rationem phænomenorum solum similibus reddat, tentandum iam erit, utrum ex ea, aliorum quoque phænomenorum, cum casu dato coniunctorum, ratio reddi possit; quo itaque plura phænomena ex eadem possunt explicari, eo probabilior euadet hypothesis, & si omnia inde deduci queunt, probabilissima atque universalis ea reddetur: fiat autem periculum:

i. Primum quidem symptoma, nempe corruptio bilis prono alueo hinc deduci potest, posito enim fermento putredinis in atmosphæra, illud tam per vasa inhalantia, quam lege adhaesionis ore assumendis mixtum CH ingredietur. Cum autem in primis viis nullum offendere possit humorem, qui bile facilius putrescat (Ref. Membr. II. lit c.) hanc potissimum adficit ac inficit. Quod vero fermenta putredinis, specie inter se differant, a posteriori clare probatur, cum experiamur fermentum dysentericum dysenteriam, variolosum variolas, pestilentielle pestem, & quoduis aliud morbum specie sibi similem, ac resolutionem naturae suae proportionatam producere: unde non mirum, miasma quoddam, quod bilem corrumpit, mixtionem sanguinis destruere haud posse; licet rationem a priori distincte assignare nondum possimus.

2. Critica etiam morbi huius, per euacuationem bilis seu spontaneam seu artificialem, solutio, ex adsumpta hypothese sponte fluit.

3. Cur porro infantes, cum convulsioni-
us sit adorsa, fel corruptum, adeoque acre,
rimas vias irritans, satis indicat; non secus
c vermes nec non aliam quamcunque acrimo-
iam eas infestantem, tenerae aetati convulsio-
es inferre videmus.

4. Ad haec exulcerationes quoque labio-
um, feбри huic familiares, ex hypothese no-
ra facile explicantur: dum enim volatilis acri-
moniae bilioisae pars, per os ac nares expira-
ur cum aëre, directio utriusque viae, ad ex-
teriore[m] labiorum partem concurrit, ideoque
tio eius in has partes maxima esse debet:
praeterea accedit, quod internae faucium ac
arium partes, muco quodam oblitae sunt,
ui eas contra praeterfluentis exhalationis vi-
olentiam protegit, cum e contrario partes la-
iorum exteriores siccae eo praesidio destitu-
ntur, eaque propter hae potius quam illae
xulcerantur.

5. Sudores denique nocturni febre licet
epulsa, aliquamdiu tamen manantes, inde
rti esse videntur, quod miasma febrem pro-
ducens sanguini quoque misceri debuerit, cum
ulla appareat ratio, cur illud, quod totum
corpus ambit, ad partes solum bilarias deter-
minari debeat, cum autem alia sit crasis bilis,

D

alia

alia sanguinis, fermentum putrefaciens utramque quidem resoluit, sed illam magis, quae actioni eius minus restitit (membr. II. lit. c.) proportionate tamen sanguinem quoque ingressum resoluit, licet non eo gradu, quo in febribus continuis malignis fieri consuevit, ex resolutione sanguinis vero oritur sudor, praesertim peripheria corporis tepore lecti laxata ac calefacta, idque tam diu, donec resoluens illud miasma e sanguine penitus fuerit eliminatum.

Hoc modo reliqua quoque symptomata in historia morbi recensita, ex assumpta hypothese deducuntur; unde inferatur tandem: E quacunque hypothese vel omnia, vel saltem praecipua morbi symptomata explicari queunt illa est vera: atqui ex adsumpta: Ergo. Q. E. I.

V. Inventa hoc pacto hypothese, formetur coniectaria, quae, posita ea, necessario quae consequi debent, quae si experientia ipsa confirmarit, veritas hypotheseos a priori etiam probabilior reddetur e. g.

Posita hypothese nostra digestiua ac emetica necessario adhibenda indicabantur, quae profuisse euentus ipse docuit, unde hypothesein adsumptam veram esse a priori quoque ostensum est.

VI. Hypothesis inuenta in species suas, a lubet, distinguatur e. g. in casu nostro, miasma febrem ciens, bilemque putrefaciens a calidiori existente longe erat virulentius, quare

re-

rigerato aëre, imo intenso frigore penitus
latum est. Omnis enim putrefactio secun-
n gradus caloris aëris variat (per exper.)

Coroll. Cum leges resolutionis huius uni-
sales sint, eas, ad inveniendam phænomeni
uslibet physici probabilem rationem adhibe-
posse, nemo non videt.

ANNVS 1766. ft. n.

§. LI. Exper.

1. Febrem epidemicam, quam praecedentem
§. pertractauimus, frigore brumali, quod
no hoc solito intensius erat, adeoque putre-
scenti aëris diathesi magis aduersum, pror-
n extinctam fuisse, in antecedentibus iam
onuimus.

2. Ad obseruandos frigoris gradus, vul-
re quidem, cum spiritu vini tincto, confe-
um, ast ad Fahrenheitianum reductum ad-
oui thermometer.

3. Dum thermometer meum ad gradum
descendit, aqua glacie constringi incipiebat,
i itaque gr. 32. Fahrenheitiani aequipollet,
umma igitur graduum tum mei, dum dicti
ermometri, ad eum, quo aqua congelare
epit, ope regulae proportionum, erui, in
eo $8^{\circ} = 5^{\circ}$ Fahrenheitiani. Initium com-
tationis in meo fit a $0^{\circ} = 37^{\circ}$ Fahrenh. hinc

furfum caloris, deorfum frigoris gradus computantur. Hoc modo quoduis thermometer ad Fahrenheitianum reduci poffe, euidens eft.

4. Gelu maximum hoc anno apud nos incidit in diem 14 Ianuarii hor. 6^{ta} a. m. A eo tum fuit fereniffimus et fumme tranquillu ac non nifi 2. lineis a 30 pollicibus pedis rhe adeoque maxima atmofphaerae grauitate abfui mercurius in tubo torricelliano. Spiritus vi autem in thermometro Florentino, quod eo tu prae manibus erat, ad 34° depreffus eft, q 20° Fahrenheitiani aequipollet, quod frigus i colis huiatibus iam in folitum effe videbatur.

5. Die 8. Ianuarii, danubius glacie constrictus fuit, vt plaustra currulia iam tu fuf tinere potuerit: quae tamen 9^{na} Februa penitus foluta eft, nec poftea notatu dignu gelu nifi circa 20. huius experti fumus, idq per 6. fere dies, vnde fenfim mox decreuit, m adcreuit. Nives per totam hyemem copiofi mae erant.

6. Venti potiffimum orientales, me Martio et Aprili praedominabantur: quant itaque Ianuarius ac Februarius humidi; tant illi frigidi atque ficci erant. Vnde accidit, folito minor insectorum numerus obferuaretu neque fluuii nifi mense Maio exundare coeperu Erucae tamen, licet arbores quam plurimae vchementiam gelu exaruerint, haud inter runt; minori autem copia quam praeteritis i nis comparuere.

7. Fri-

7. Frigus maximum quotidie deprehendi-
 e sub auroram, aër vero post meridiem circa
 ram 2dam calidissimus est. Differentia quo-
 tiana inter frigus et calorem maximum atmo-
 sphaerae variat; hyeme tamen minorem esse
 peti, quam vere: ibi enim minima 4° , maxi-
 ma 10° , hic vero minima 5° , maxima autem 18°
 t, hoc tamen intelligendum est, quod euenit
 potiori ac in thermometro meo, nam aliquan-
 tiores maiores minoresue differentiae obseruantur.

8. Ad obseruationes barometricas, usus
 in compositione BERNOLLI, cuius tubus
 horizontalis est $= 2' 5\frac{1}{2}'' = 29\frac{1}{2}''$ pedis No-
 mb. in $12''$ diuisi. In Scala hac primo gradu
 maxime scilicet mercurii adscensione adscriptus
 est numerus II. vnde initium numerandi peti-
 tur; vltimo autem seu imo eius descensui re-
 spondet gradus 95. sunt itaque vniuersim lineae
 in gradus 85. quorum 12^{mo} cuique, notatu di-
 uisiores aëris mutationes adiectae habentur: li-
 neae $13 = 4\frac{1}{2}''$ Nor. adeoque $1'' = \frac{1}{3}$ poll.
 Nor. min. $\frac{1}{3}$.

9. Ephemerides vero meteorologicas, mo-
 do magni BOERHAAVE incitatus Chem.
 tom. I. p. 368. praeunte Nic. KRVQVIO,
 Calend. Iani huius anni elaborandas suscepi.

S. LII.

Mense Ianuario anni 1766 peripneumonia
 era longe lateque stragem edebat: Speciatim

vero in vico quodam Domini Illok Erdövé dicto, tam vehementer grassabatur, ut tredecim quatuorue vno die interimeret. Incolae huius pagi lignationem paulo remotiorem habent, spiritum prunorum autem rigidissimo gelu, sub arborum, dum pro lignis aduehendis exiissent, maiori copia hausto, sanguini diathesin phlogisticam conciliarunt, dehinc ob egestatem corporis male vestitum frigori intensissimo expositum, febre inflammatoria omnino corripitur necesse fuit.

§. LIII.

Symptomata autem morbi sic se habebant: corripiebantur aegri sub initium horrore ac frigore non exiguo, subsequente dein aestu, capitis dolore vehemente excruciatum mox delirabant, respiratio difficilis cum sensu oneris prementis in pectore, tussis primum sicca, circa die quartum sputum cruentum exturbabat, quod pathognomonicum peripneumoniae verae signum constituit. Initio mali 6^{ta} ab inuasionem die in progressu vero 9^{na} ut plurimum fatalis fuerat. Alius initio adstricta in declinatione morbi succedebatur: summaque virium aderat prostrata. Curatio eius V. S. praemissa vel pro re nata etiam repetita, subiunctis debito tempore succedentibus bechicis, tandemque tonicis, feliciter absoluebatur.

§. LIV.

§. LIV.

P R O B L E M A.

Inuenire rationem probabilem, quae brumali tempore, inflammationem, ad pulmones praecise determinat.

Resol. Experientia constat, corpori calenti nimium frigus repente admissum, partes eius arctiori cohaesione vnire, adeoque fluxui fluidorum resistere: ex anatomia vero C. H. patet, extremos arteriae pulmonalis ramos, vesiculas tracheae vltimas vario flexu perreptare. Vid. WINSLOW Exp. anat. Tom. IV. p. 1. §. 153 et 154. tract. de pect. Sanguine itaque excalefacto, aer valde frigidus per ramos bronchiales penetrans, in vasis sanguiferis eos cingentibus, statim inflammatoriam omnino producere debet. Q. E. I.

§. LV.

Durabat haec constitutio maiori totius mensis Februarii parte, cuius initium ob ventos orientales serenum erat, adeoque tepida aura, vt die eius qua iam glacies in danubio penitus fuerit soluta, sub medium vero occidentales pluuiam, quam Or. rursus dispulere, tandem sub finem aquilo niues fudere.

§. LVI.

Martio dein insequente, ac aequinoctio verno adpropinquante, morbus hic penitus

euanuit, siue in tussim febris iunctam quam catarrhalem benignam alii adpellant, est mutata, quae laxantibus per epicrasin, expectorantibus iunctis, nullo negotio expugnabatur. Cum enim venti orientales, maximam partem huius mensis praedominium obtinerent, indeque aura fuerit sicca; vires catarrhorum per eos infringebantur: quamquam boreas et zephyrus calcar quandoque addere eis viderentur. HIPPOCRATES. Sect. III. aphor. 5. Ἡ δὲ βορρῆ καὶ βορρῆς, φρενυγες κ. τ. λ. Medio autem mense austri flabant, qui 24. die primum hoc anno tonitru excitant.

§. LVII.

Circa aequinoctium vernum in parte provinciali febres solum intermittentes sparsim visabantur, quotidianae nempe ac tertianae, quae tam mitis erant indolis, ut ferme absque vlla ope medica sponte cederent, ac sole cancrum ingresso penitus recederent. At in confinio imprimis circa Brood variolae quoque regulares comparuere, quas cum non tractauerim, de iis quod dicam, nil habeo.

§. LVIII.

Mense Aprili aura potissimum austro-orientalis flabat, quae serenam ac subfrigidam tempestatem attulit. Noctes praecipue tam gelidae erant, ut differentia inter frigus aurorae, ac maximum diei calorem ut plurimum 15. 16.

ac

ac 17° adeoque hoc mense maxima fuerit. Vnde euenit, vt tussis, cuius in praecedentibus mentionem fecimus, in pleuritidem conuerteretur, qua ii vel maxime corripiebantur, qui agresti labore fessi, corpus aerae liberiori, recreandum exposuerunt.

§. LIX.

Pleuritis haec ad solstitium vsque aestiuum excurrit, quo aduentante sensim sese proripuit. In hac febre inflammatoria V. S. reiteratam, in latere adfecto, ac vesicantia loco dolenti adplicata, interne autem oxymel squilliticum, praestantissimam opem adtulisse deprehendi.

§. LX.

Maio mense venti aquilo-occidentales ac austro-orientales aëra refrigerabant: differentia tamen inter frigus nocturnum ac calorem diurnum minor fuit, quam mense priori. Die 13 grando vncialis e plaga mundi N. V. orta, ad distantiam $\frac{1}{2}$ milliaris Vukovarino, altitia quam plurima ac segetes contriuit. Morbi vero aequinoctiales iam remittere coeperunt. Noua interim morbi species, scilicet auditus grauitas, cum susurro continuo, sed sine febre sparsim quosdam inuasit, quae aegritudo ad aliquot septimanas durans tandem plerumque diarrhoea soluebatur, quod ipsum ipse iam C o u s animaduertit Sect. IV. aph. 28. *Και ὁκοσοῖσι καὶ φωσῖς, χολωδεων γινόμενων παυεταί.*

§. LXI.

Per decursum integri mensis Iunii constitutio aurae aquilo-occidentalis, adeoque subgelida fuit. Diei eius 25^{tae} frigus nocturnum, aequale fuit meridiano diei 4^{tae} Martii. Differentia caloris nocturni ac diurni hoc mense frequentius superabat differentiam priori mense observatam, fuit enim maxima 17° et ultra. Tempestas diei 20^{mae} aëra gradibus 15 thermometri florent. refrigeravit, quo die, ut et 14^{tae} huius mensis tam vehemens turbo ortus est, ut arbores radicitus euulserit. Periculosissimae tempestates a plaga occidentali euenire solent.

§. LXII.

Notatu dignum est, quod febres intermittentes, quae a longo tempore, in primis propter intempestive adhibitam phlebotomiam, aegros hucusque afflixerant, propinato nunc cortice in continuas mutatae sint, idque cum pulsu fortissimo, quae si accurate tractatae, duobus septenariis critice soluerentur, intermittens amplius non rediit; adhibita vero phlebotomia continua denuo in intermittentem conuersa est, maioresque quam ante radices egit. Sanguinem in intermittentibus his missum, crusta alba densissima semper tegit. Fluvii hoc mense exundare coeperunt.

§. LXIII.

§. LXIII.

Constitutio aëris, mense Iulio, maiori ex parte austro-occidentalis erat; circa finem vero SO. Vnde euenit, vt et tempestates essent atroces ac frequentes, et calor in aprico, die 12. ad 72° thermometri Fahrenheitiani adscenderit, quo ipso ratiocinium meum a priori erutum §. VII. anni 1763, experientia etiam a posteriori, confirmatum est: quanquam regula haec non possit esse vniuersalis, cum nemo nesciat, aliam aestatem alia esse calidiorē vel temperatiorem. Attendi praeterea ad proportionem caloris in aprico, ad calorem in vmbra, quae plerumque fuit vt 4: 5. inuerse; nec id quidem constanter. Flumina exundarunt quidem integro hoc mense, minus tamen quam anno superiore: insecta quoque pauciora visebantur; nec de lue pecorum quidquam audiebatur.

§. LXIV.

Quod vero ad historiam morborum attinet: variolae quidem benignae sparsim oberrabant. Ast febris illa intermittens biliosa, cuius in ephemeridibus anni prioris, mentionem fecimus, mitior quidem, ac similibus cum symptomatis, circa medium mensis huius, recru-duit, pauciores itidem, quam anno praecedente, inuasit. Cum febris huius tam pathologicam, quam therapeuticam tractationem in praecedentibus iam dederimus, de his nil attinet pluri.

pluribus differere. Iuvabit tamen hac occasione, in effectus fructuum, quos in C. H. edunt, paucis inquirere.

§. LXV.

P R O B L E M A.

De effectis fructuum in corpore humano explicare.

Resol. Exper. I. Magnus BOERHAAVE in Chem. Tom. II. pag. m. 157 et seqq. fidem facit, vegetabilia quaecunque fermentationi apta, adeoque et fructus omnis generis, in ventriculo fermentare. Vid. Chem. tom. II. pag. 166. indeque enasci Gas illud Helmontii, quod vehementissima vi sua elastica, ventriculum ac intestina nimium distendit, hinc flatulentiam parit.

2. Dein observatum compertumque est, vegetabilia fermentationem nondum passa, ad eam tamen apta nata, virtute fibras relaxante, saponaceo-resolvente, refrigerante et purgante; post peractam vero fermentationem, roborante, cogente humores, exsiccante atque calefaciente gaudere.

3. Celeb. PRINGLE hoc ipsum quoque confirmat, praeterea, fructus recidivas produxisse in febribus adseuerat. Vid. Beobachtungen über die Krankheiten einer Armee, pag. m. 234.

4 Ego

4. Ego ipse expertus testor, contra incommoda ab esu fructuum, vel potu liquorum non fermentatorum orta, nullum praesentius dari antidoton, quam spiritum per eam ipsam fermentationem progenitum, ventriculumque longe facilius concoquere fructus, ante, quam post ingestos alterius generis cibos; vndeliquet, vehementer errare illos, qui distento iam post prandium animalibus escis ventriculo, fructus dehinc liberalius ingerunt. Fermentatum enim super non fermentatum adsumere concoctioni conducit, ast non viceversa. Vid. BOERH. Chem. Tom. II. pag. m. 159.

5. Inprimis peponum ac melonum genera, si post eorum esum, potus spirituosus hauriatur, diuresin valide cient.

6. Laudatus PRINGLE aduertit, fructus in locis paludosis ac aëre coenoso, ad febres et diarrhoeam corpora humana disponere, dysenteriam vero huic causae perperam adscribi: notum praeterea est, ventriculum debilem eos difficiliter ferre, quam robustum. Vid. l. c. pag. 100 et seqq.

His datis concludimus a) Gas illud Siluestre Helmontii, quod in vegetabilibus fermentabilibus hospitatur, qua subtilissimum, penetrantissimum atque summe elasticum spiritum, minima etiam vascula permeare, eaque, nisi proportionate resistent, ultra dimetrum naturalem distendere, aucta hoc pacto diametro vasis maioris,

ris, lateralium, ac vicinorum contiguorum minorum diametros comprimi adeoque minui necesse est, cum autem transpiratio peripherica per huius modi canales procedat (per princ. physiol.) patet hinc eam imminui debere, adde his aërem coenosum, eo magis impediatur, impedita vero transpiratione aestate quidem febres putridas, alias alio tempore producere monet SANCTOR. Med. Stat. Sect. II. aph. VIII. Accedit his, quod motus sanguinis progressivus fiat directione axi canalis conici parallela, vis autem elastica canalem distendens, ob resistantiam sphaericam agat secundum omnes directiones radiorum sphaerae, a centro versus peripheriam (per princ. phys.) manifestum est hanc illi aduersam esse, adeoque illam impedire, imminuta celeritate motus progressivi perspiratio quoque imminuitur (per physiol.) si parcius est perspiratio, oritur putredo, febris etc. Conf. BOERHAAVE Inst. Med. §. 778.

b) Gas isthoc Siluestre in massa quavis fermentescibili coniunctum est cum spiritu illo, quem fermentatitium adpellant, (per exper.) ergo datur inter haec duo corpora vis ad accessum mutuum (per phys.) sed vis elastica consistit, in recessu elementorum corporis a se inuicem, ergo haec vis illi contraria directione agit (per defin.) hausto igitur spiritu fermentatione producto, post adsumtam massam fermentescibilem, Gas Siluestre, vi elasticitati suae contraria, vrgetur, ad
cohae-

cohaesionem cum spiritu fermentatione producto, adeoque vis eius elastica ac fermentatio impediuntur, elucet iam hinc, quomodo spirituosus potus incommoda ab esu fructuum orta, tollant. Q. E. I.

c) Homines autem, qui tono viscerum integro gaudent, adminiculo potus spirituosus haud egent, cum tonus naturalis ventriculi ac intestinorum sufficiens sit, ad resistendum expansioni massae fermentescibilis in eis concentae, unde tales fructus facile ferunt. Videmus etiam in vegetioribus, non tanta copia flatus *ἀνακαί κατω* prorumpere quam in debilioribus, atqui tantundem aëris continent eorum alimenta, quam debiliorum (per sens. comm.) quo ergo deuenit aër e cibis et potu euolutus? per ructus et anum non exit omnis (per hypoth. et exper.) ergo per vasa lactea cum chylo ad sanguinem deferitur, alia enim via e primis viis exeundi ei non patet, datur itaque in sanguine aër, idque plus in robustis, quam in debilibus. Vbi namque tonus ventriculi fortior est, ibi fortior quoque erit contractio eius, adeoque actio in alimenta (per physiol.) ergo molecule aëreae intimius vnientur cum chylo, adeo vt per attractionem vasorum capillarum, tunicae intestinorum villosae, ab eo separari amplius nequeant, sed cum eo, vasa bibula subire cogantur, quod in debilioribus contrario modo euenire necesse est. Actio haec ventriculi in
alimen-

alimenta , ope aëris , exemplo experimenti ,
machinae Papinianae , luculenter et comprobatur
et illustratur.

Confect. Flatulentia oritur , quando cohaesio
globulorum aëreorum cum chylo , minor est
cohaesione reliquarum partium chyli inter se.

§. LXVI.

Quaëritur iam , num aër in sanguine contentus
corporis animalis viui elasticus sit nec ne ?

R. Nullis experimentis physicis euincitur ,
globulum quemuis aëris seorsim spectatum elasticum
esse , bene vero plures simul sumtos. Ponamus
itaque moleculas aëreas , massae sanguineae
ita esse mixtas , vt sese haud contingant ,
tum aër in sanguine non erit elasticus ; posito
vero quod se mutuo contingant , vtique elasticus
erit. Prius videtur obtinere in statu naturali ,
posterius in praeternaturali. Experientia enim
docet , corpora imbecillia , mutationes atmosphaerae
sentire , ea etenim grauiore , melius habent ,
contra , leuiore reddita , externus namque aër
grauior fortius resistit aëri interno in sanguine
expandere sese nitenti , leuior vero minus (per
phys.) vnde canales vltra diametrum naturalem
distenduntur atque motus sanguinis progressius
retardatur (per physiol.) Ergo et secretiones et
excretiones vniuersim consideratae. Accedit
quod

quod retardato motu sanguinis progressiuo intestinus augeatur (per physiol.) adeoque partes sanguinis constitutivae homogeneae ad se invicem accedunt; ergo et aëreae, hinc elasticitas eiusque consecretaria, ex quacunque causa motum progressuum impediante, oriri possunt. Quemadmodum itaque debilis primarum viarum tonus, aërem non debito modo unit cum chylo; ita debilis motus sanguinis progressivus eundem haud exacte miscere potest latici purpureo. Q. E. I.

§. LXVII.

S C H O L I O N.

Nequis autem putet, me in praecedente problemate, fermentationem cum digestionem ciborum in ventriculo confundere, quae tamen distincta esse e physiologia notum est. Aduertendum itaque est, me cum Cel. BOERHAAVE ita sentire, qui Chem. tom. II. pag. m. 166. proc. 42. "In sola, inquit, officina chylopoiesios prima animalium, fermentabili cibo potuque sustentantium vitam suam, haec (scil. fermentatio) inchoari quidem, mox vero abrupti penitus, videbitur, in paucis tantum morbis forte ulterius paululum producta, usque per intestinorum fistulam." Haec sunt verba Auctoris. Vnde clare patet, in statu sano, fermentationem primam seu vinosam, nunquam deduci ad secundam seu acetosam, quae si subsequatur, iam erit status praeternaturalis: hinc ratiocinium sequens emergit:

E

Vbi.

Vbicunque adest fermentatio secunda seu acetosa, ibi primam seu vinosam praeuie absolutam esse, necesse est. Conf. cit. tom. II. pag. 180.

Atqui in subiectis quibusdam experimur ex alimentis fermentabilibus, acidum in primis viis generari, quod ructus acidi abunde comprobant. Ergo in subiectis quibusdam fermentatio vinosa, in primis viis penitus absoluitur. Q. E. D.

Coroll. Gas illud Siluestre, maiori copia euoluitur in officina chylopoietica, in statu praeternaturali, quam in naturali seu sano.

§. LXVIII.

Augustus mensis aura ut plurimum NO., interdum orientali perflabatur: ideoque serenitas crebris imbribus interrompebatur. Quibus ortis, thermometer Fahrenheitianum 46° vel 49° monstrabat, licet paucis ante tempestatem horis 70° , vel 72° ostenderet, vnde adparet, quantopere tempestates aëra refrigerent. Sub auroram inter 41° et 44° continebatur, hora autem tertia pomeridiana coelo sereno ac in aprico 66° vel ad summum 72° , ut iam supra inuimus attingebat. Qua occasione, proportionem caloris in vmbra, aëre libero, ad calorem in aprico seu radiis solaribus eodem tempore, repetitis obseruationibus, determinare gestiens, tandem deprehendi, eam quidem variare, a potiori tamen illum ad hunc se habere in ratione directa ut 4: 5.

§. LXIX.

§. LXIX.

Hoc mense, febris illa intermittens, cuius superioribus mentionem fecimus, quamque circa ingressum solis in cancrum ortam esse relinimus, frequentior reddita est, ac primis diebus remisit quidem, sed non penitus intermisit, tormi vomitu comitata. Nonnulli diarrhoea et febre atque sine deiectionibus sanguineis, atque diu pertinaciter adfligebantur.

§. LXX.

Febris huius, notatu haud indignum exemplum mense isto, in me ipso expertus sum. Eodem enim mense ac die, imo eadem hora, nempe 4^{ta} Augusti hora 2^{da} post meridiem, qua anno superiore me inuaserat; hoc quoque anno ea correptus sum. Symptomata quoque similia erant ac aequalis, nimirum trium paroxysmorum, duratio. Eadem quoque curatio, eadem fugata est. *Προφασει* eadem nata scilicet adfectu animi sub prandio vehementiore. Profecto adfectus animi concitatiores ac taedio iuncti, licet semper noxii sint; in primis tamen ab pastu sunt fugiendi, namque

Felix, quem faciunt, aliena pericula cautum:
tu vero experto crede Ruperto.

Similem huic casum refert I O H. I V N K E R V S
therap. Spec. p. 673.

§. LXXI.

Quantus sit inter hanc, ac febrem, sic dictam malignam, nexus, quamque auspicatus est usus corticis Peruuiani, nec non radicis ser-

pentariae virginianae in eadem, et quam belle concinant veritati ea, quae Cel. Archiater ANT. de HAEN in Rat. Med. part. III. pag. 36 seqq. tradidit, quamvis pluribus possem, vno solum insigniori casu confirmabo. En historiam eius! Vir quidam alienigena, natione alemannus, 36 circiter annorum, temperamenti, quod veteres scholae sanguineo-cholericum vocant, diaetae lautiori ac spirituosae adfuetus. hinc a pluribus iam annis haemorrhoidarius, sub medium mensis Iulii, intermittente hac, de qua agimus febre, corripitur; quam flocci pendens, ab inepto quodam barbitonfore, praemissa V. S. catharticum sumsit, dehinc in horreo quodam super recenti strue cespititia meridiavit, euigilans mox inhorruit, febrisque e perfecte antea intermittente, in continuam remittentem, cum quotidiana post meridiem exacerbatione transiit. Ego aduocatus, statim eius consilium direxi, ut per salia enixa atque enema, febris ad intermissionem reducatur: praefertim cum tormina ventris cum obstructione aegrum affligerent. Ast frustra! Patiens enim impatiens morae, ab alio non minus inopportuno balneatore aut blaterone, novum emeticum tartaro inopportune efflagitavit, eodemque die post meridiem, vehementius urgente febrili accessu, nimiam quantitatem gelidae hausit, sudorem erupturum reiectis tegumentis repressit, vno sub noctem pulsus concidit seu subsedit, id est debilissimus ac frequens est redditus, deliria ac cess-

cessere continua, ast ob summam virium ac repentinam exsolutionem haud ferocia; ego de-
nuo accersitus ilico aduerti febrem ob rationes
iam recensitas, malignam induisse indolem, id-
eoque extemplo propinaui mixturam a D.
PRINGLE libr. cit. p. 302. commendatam.
Die sequenti omnia exacerbabantur, deliria
erant continua, vox languidissima, tunica ocu-
li albuginea striis sanguineis suffusa, itaque vesi-
catoria adhibui, furis adplicanda, die sexto,
tremor artuum ac musculorum totius fere peri-
pheriae corporis accessit. Alius erat adstricta,
vrina sanorum similis, pauca tamen ac tenuis,
lingua albo muco obducta, sitis non adeo inten-
sa, quae omnia vsque ad diem 9^{num} sine inter-
missione durabant, quo vero adpetente omnia
in deterius ruebant, subsultus tendinum, torui
fulgidique oculi, vox concitata sed debilis ac
inarticulata emotionem mentis prodens, agry-
pnia perpetua, sensatio turbata externorum
quoque organorum, frigus extremorum tremu-
lusque artuum praesertim manuum ac linguae
motus, hanc nec exserere ore poterat, addu-
ctis genibus cubabat supinus, pectus saepe de-
nudare conabatur, at alius non soluebatur.
Symptomata enarrata ad diem vsque 14^{tum} per-
sistebant, quo ingruente, animam agere vide-
batur, post mediam vero noctem, leni madore
toto corpore perfusus, (qui antecedentibus quo-
que diebus non nunquam prorumpibat) obdor-
miuit, dein expergefactus ad mentem sanio-
rem

rediit, escamque petiit, de difficili auditu ac otalgia conquerébatur, reliqua symptomata cessarunt, vrina tamen non turbabatur, vnde conieci metastasin mali ad encephalon factam esse, prout iam laudatus PRINGLE obseruarat vid. l. c. pag. 287. seqq. et 310. quod ipsa quoque experientia confirmauit. Die enim 15^{to}, per nares ac aures, materies foetida, ichorosa manare coepit, indeque melius habuit. Vrgente interim nimio adpetitu, ventriculum vltra modum onerauit, mox die 16^{to} post meridiem corpore toto inhorruit, quod aestus continuus excepit, reliquaque ante recensita accidentia. Ab hoc die delirare coepit denuo ac indefinenter; procliue iam erat hariolari, morbum ad tertium vsque septenarium duraturum, quare mixturam ante laudatam sollicite adursi fumentam, quae nimium deiectas vires efficacissime restaurabat, ac die mali 20^{mo} iterum oborto vniuersali madore post captum placidum somnum, ad vsum mentis rectiorem rediit, multumque leuaminis sensit. Dehinc vires cotidie restituebantur, tam oborto adpetitu quam continuata mixtura priori; 26^{to} biliosa cum euphoria deiecit, tinnitus aurium, difficultas auditus longo tempore perseuerabant, ichor continuo ex aure sinistra fluebat, tandem sponte cessauit, de debilitate capitis diutissime conquerébatur. Quia autem vino abstinebat, cibis vero liberalius indulgit, orta inde est febris tertiana, quae tamen laudatae iam mixturae facile cessit, aegerque belle conualuit. SCHO-

S C H O L I O N.

Ex his nemo non videt, magnam quidem aegrorum partem, inobedientia erga medentes, maiorem vero ignorantia chirurgorum vel potius barbitonorum, qui hac in regione medicos egere volunt, perire; qui abusus licet saepius dictis regis fuerit interdictus, inueterata tamen consuetudo, barbaraque gentis inscitia obstitere, quo minus contrarius usus vndequaque introduci potuerit.

§. LXXII.

Initium mensis Septembris, tanto adhuc seruore aestuabat, ut die eius 6.^{ta} calor in apri-
co 72° thermometri Fahrenheitiani aequaret, adque fuit hora 3.^{ta} pomeridiana, eodem vero die sub auroram 42½°. Enimvero vltimus sicce impetus aestatis fuit, neque enim postea ad eum gradum amplius intensus est. Maxima hoc mense, caloris ante & pomeridiani differentia plerumque 30°, die vero 25.^{ta} 32° erat; coelum eo tum fuit serenissimum: minima autem obseruabatur die 15.^{ta} = 3°, coelo nubilo ac vento NNO flante. Tempestates binae accidere, altera NO. triplex die 3.^{ta}, altera vehementior NV die 30.^{ma}. Aura maiorem partem orientalis spirabat, quae sudum continuum fere genuit. Aquae decrevere.

§. LXXIII.

Si ex hypothese Sydenhamiana, morbus ille, qui circa aequinoctium autumnale dominum in reliquos obtinet, totius anni constitutioni.

tioni nomen impertit suum Vid. Oper. pag. 49. tum annus hic, tum praecedens, epidemiae febrilis biliosae intermittentis titulo notandus erit, quanquam ea hoc anno benignioris fuerit indolis quam praecedenti, ut iam in superioribus innuimus.

§. LXXIV.

Mensis October, principio ventos O. medio NV. sub finem vero S. adtulit: unde primi ac ultimi serenitatem; medii variam genuere tempestatem, validiusque spirabant. Calor maximus in aprico die 9. erat 63° ther. Fahr. quo etiam triplex saeva tempestas fuit exorta, quum barometrum meum horizontale ad 54° decidisset. Maxima caloris pomeridiani in aprico, ac matutini differentia fuit die 5. 25° eiusdem thermometri: minima vero die 25. coelo nubilo 3° . Prima pruina ac glacies incidit in diem 13. fudo tranquilloque coelo, cum thermometer Fahr. sub auroram 31° monstrasset. Ultimo adhuc huius die thermometer radiis solaribus aperte expositum 62° notabat, aura serena ex S. flante.

§. LXXV.

Quoad morbos epidemicos, nil aliud notatu dignum evenit, praeterquam quod quarantana, ante anomala, nunc iam regularem typum induerit, ac ad primae pruinae conspectum, pedetentim receptui canere coeperit.

§. LXXVI.

Totus mensis November adeo ficcus fuit, ut non nisi die 6. ante meridiem, ac die 28. circac

a meridiem, lenta pluvia nivesque per unam
 ramve horam deciderent, quod quidem in
 mio raro observatur, plerumque enim au-
 nus crebris imbribus madescit. Nebulae
 en tam densae tamque diuturnae erant, ut
 totos dies pluresque continuos durarent.
 m hoc quam priori integro mense fluvii fo-
 magis decreverunt. Calor maximus fuit
 aprico = 54° ther. Fahr. die 4. post mer.
 r. 3. frigus aurorae vero toto mense 32° non
 peravit; maxima itaque utriusque differentia
 at = 22° minima autem = 3° ther. dicti.
 e ultima coelo sudo calor in aprico 51° aequa-
 t, at sub auroram 34° .

§. LXXVII.

Epidemicus qui hucdum clavum tenuit,
 c mense penitus fere frativa sua deseruit, adeo
 idem, ut neminem antea intactum laceffe-
 t, nisi postliminio rediens iura sua repe-
 et. E contrario eodem ipso tempore febres
 inflammatoriae sanguineae ac lymphaticae in-
 olis caput exseruere.

§. LXXVIII.

Cum nova luna die nempe 2. huius mensis
 Decembris, ortus est ventus NNV. die vero
 5. SO 6. N. 7. denuo SO, duravitque vsque
 ad 14. qua VSV prorupit; dein 15. NNV
 30. iterum SO 22. S vehementior 23 superior
 ventus erat N inferiori S e diametro ei op-
 posito quamvis mitius continuante, quem ta-
 men 27. N tandem ex inferiori etiam atmo-
 sphae-

phaerae plaga repressit. Initio NNV den
nebulam, sub medium SO serenitatem V
pluviam, dein NNV pluviam nive mixta
post nives solum, dehinc S pluviam N
dem copiosas attulit nives. Differentia fr
ris matutini ac pomeridiani hoc mense exig
aliquando in primis obscuro cœlo, nulla f
Calor post mer. hor. 2. die 8. in aprico fu
ac tranquilla aura fuit $= 40\frac{1}{2}^{\circ}$ ther. Fahr. u
ma frigus matutinum $= 32^{\circ}$.

§. LXXIX.

Cum mense isthoc tusses catarrhales
secutae sunt, quae facile, aucto humorum
culo, simulque in minuta proportionem natu
li perspirationis periphaericae, febrem con
nuam comitem sibi adsciuit, cui frequen
pleuritis ac peripneumonia, angina spur
item vomitus ac diarrhoea (si regimen re
gerans adhibitum) symptomatice accessere.
V. S. non ad symptomata, sed ad morbum
primarium respiciendum erat. Vid. SYDENHAM.

Op. p. m. 310. seq. Emetica postea ac
epispastica indicabantur. Hic
finis anni 1766.

